



EXCMO. CONCELLO  
DE  
TUI

## **ORDENANZA SOBRE LA REGULACION DO TRAFICO NO CONXUNTO HISTORICO DE TUI**

### **EXPOSICION DE MOTIVOS**

O conxunto histórico da cidade de Tui, declarado Ben de Interese Cultural no ano 1968, conforma un espazo referencial da nosa localidade. O amplo conxunto de monumentos conservados no seu interior, o singular encanto das rúas e prazas de configuran esta zona patrimonial dotan a esta ámbito cidadán dun importante valor tanto para os tudenses como para os numerosos visitantes que se achegan ata este enclave.

As vellas rúas tudenses conservan o seu trazado de época medieval e conforman un espazo histórico realmente privilexiado. O progreso levou aparelado o tráfico de vehículos que superou a capacidade dunha cidade concibida con outros parámetros na medida do home; os vehículos desprazaron ás persoas usurpando o espazo, convertendo a rúas e prazas en lugar de estacionamento e na procura dunha maior comodidade dos residentes privaron a estes espazos da súa función primordial de encontro das persoas.

A conservación deste conxunto histórico é responsabilidade do Concello de Tui que na actualidade esta culminando o proceso de aprobación do Plan Especial de Protección do Conxunto Histórico. Este instrumentos de planificación ten a misión de preservar este legado patrimonial nas mellores condicións.

Neste mesmo proceso se enmarca a vontade do Concello ao proceder á peonalización deste conxunto histórico co obxectivo de lograr a diminución do ruído, da contaminación ambiental, o reforzamento das posibilidades turísticos e comerciais, a habitabilidade, a sostenibilidade e a recuperación do peón como elemento esencial da identidade urbana.

A valorización deste espazo urbano implica medidas de conservación e promoción para lograr a súa dinamización e a súa consideración como un ámbito privilexiado de contemplación artística, de convivencia, de encontro entre veciños, de vida en común.

Para lograr este obxectivos resulta imprescindible a peonalización deste conxunto histórico que pretende mellorar a calidade de vida dos veciños residentes neste ámbito urbano así como favorecer o desenvolvemento comercial das áreas afectadas. Ao tempo se regula o tráfico e o estacionamento no resto do ámbito urbano do conxunto histórico de Tui para lograr unha maior racionalidade no uso dos vehículos e priorizar neste espazo aos peóns



EXCMO. CONCELLO  
DE  
TUI

## **CAPITULO I: Competencia, obxectivos, área afectada**

### **Art. 1.- Competencias:**

Naquelas materias non regulamentadas expresamente nesta Ordenanza, ou que regule a autoridade municipal en virtude das súas competencias, aplicarase o Texto Articulado de la Ley sobre Tráfico, Circulación de Vehículos a Motor y Seguridad Vial, aprobado por Real Decreto Legislativo 339/1990, de 2 de marzo, os seus regulamentos de desenvolvemento e demais normativa de carácter xeral que as substitúan.

### **Art. 2.- Obxectivos:**

A presente Ordenanza, ten como obxectivos:

a) Suprimir o tráfico rodado de maneira absoluta nas rúas da denominada zona “Conxunto Histórico - Intramuros”, recollidas no artigo 3.a coa finalidade de promover a conservación deste espazo, preservar de contaminación ambiental este ámbito patrimonial e devolverse a súa consideración de lugar de encontro e convivencia cidadán.

b) Restringir o tráfico no resto das vías do Conxunto Histórico, enumeradas no artigo 3.b, ao obxecto de conseguir unha mellor calidade de vida das persoas que residen nesta área ou a utilizan con frecuencia con motivo de espaxamento, visitas turísticas, etc. Existindo nestas zonas un tráfico de coexistencia, no que en todo caso resulta privilexiado o tráfico peonil.

### **Art. 3.- Area afectada:**

A área que se encontra afectada pola regulación especial de tráfico é o ámbito do Conxunto Histórico, con especial incidencia na zona denominada “Intramuros” e cuxo plano se achega á presente Ordenanza como “ANEXO I”, comprende as seguintes rúas:

a) Zona Intramuros (supresión do tráfico rodado)

- Rúa Cuenca
- Rúa Pracer
- Rúa San Telmo
- Rúa Bispo Castañón
- Rúa Sanz
- Rúa Porta da Pía
- Rúa Seijas
- Rúa Párroco Manuel Rodríguez Vázquez
- Rúa das Monxas
- Rúa Entrefornos
- Rúa Ouro
- Rúa Miñoteira
- Piñeiro



EXCMO. CONCELLO  
DE  
TUI

- Praza da Armada
- Praza da Estrela
- Praza do Pracer
- Praza da Misericordia
- Praza do Concello
- Praza de San Fernando
- Praza de Frómista

b) Rúas con tráfico restrinxido no Conxunto Histórico

- Rúa Tyde
- Rúa Bispo Lago
- Rúa Antero Rubín (entre a Praza da Armada e a Baixada ao Embarcadoiro )
- Rúa Ordoñez (entre o Cantón de Diomedes e a confluencia co Paseo de Calvo Sotelo)
- Cantón de Diómedes

c) Rúas do Conxunto Histórico afectadas pola ORA

- Paseo de Calvo Sotelo
- Rúa Augusto G. Besada
- Rúa do Foxo
- Travesía do Foxo
- Rúa Rosa Bahamonde

## **CAPITULO II: Accesos (lugares e distintivos).**

### **Art. 4: Sinalización:**

En todos os accesos contarán cun semáforo e unha sinal de circulación prohibida, que restrinxe a circulación no Conxunto Histórico agás aos vehículos que posúan autorización teñan o preceptivo distintivo identificativo.

Amais polo establecido no sinal de indicación xeral S-28 que indica:

- Que a velocidade máxima de los vehículos é de 20 Km./h.
- Que os condutores deben conceder prioridade aos peóns.
- Que os vehículos no poden estacionar máis que nos lugares designados por sinais ou marcas.
- Que os peóns poden utilizar toda a zona de circulación.
- Que os xogos están autorizados en tanto non perturben a circulación de peóns ou vehículos.

### **Art. 5.- Lugares de acceso:**

O acceso ao Conxunto Histórico – zona Intramuros realizarase exclusivamente a través das pilonas mecánicas de acceso sitas nos seguintes lugares:

- a.- Porta da Pía
- b.- Rúa subida ao Piñeiro.
- c.- Rúa Cuenca (na confluencia coa Praza da Armada)
- d.- Praza da Armada (en dirección á rúa Pracer)



EXCMO. CONCELLO  
DE  
TUI

e.- Rúa San Telmo nº 1

A maiores na Travesía do Piñeiro estará instalada unha piona manual.

Os usuarios accederán sempre polo lugar mais próximo ao seu domicilio ou negocio e saíran igualmente polo acceso mais próximo.

No ANEXO que se contén ao final da presente ordenanza se reflicten os itinerarios da circulación interior. O establecido no parágrafo anterior, é extensible tamén aos vehículos de emerxencia, transporte público, limpeza e usuarios que debidamente acreditados estean autorizados para circular.

#### **Art. 6.- Acceso de vehículos ao Conxunto Histórico:**

Para o acceso de vehículos a Casco Histórico – zona Intramuros, establécense dúas modalidades:

a/ a través dunha chamada perdida por teléfono móbil habilitado polo Concello a un número telefónico que posúe cada piona

b/ a través dun dispositivo inarámico.

Os vehículos que accedan deberán contar cun distintivo no que constará a matrícula del vehículo autorizado, e que individualiza o dereito de acceso nas condicións determinadas na autorización administrativa concedida a cada titular segundo sexa este residente ou teña un negocio na zona ou preste un servizo urxente ou imprescindible á comunidade. É obrigatorio para o seu titular, a notificación a este Concello do cambio do vehículo autorizado, así como, se fose o caso, a devolución da etiqueta e/ou dispositivo no suposto de modificación das condicións que no seu momento serviron de base para a súa autorización.

Ademais deste réxime xeral, se posibilitará o acceso polas modalidades establecidas ás persoas residentes neste ámbito do conxunto histórico – Intramuros que precisen dun desprazamento en vehículo polas súas circunstancias persoais (enfermidade, discapacidade, ancianidade, etc.). Precisarán un informe dos servizos sociais do Concello.

#### **Art. 7.- Dispositivos inarámicos:**

O acceso dos vehículos á área Intramuros, se poderá realizar a través dun dispositivo magnético. A adquisición de cada dispositivo inarámico de acceso de vehículos ao Conxunto Histórico – zona Intramuros devengará o correspondente prezo público de conformidade co preceptuado na Ordenanza Fiscal correspondente.

#### **Art. 8.- Distintivos para os parabrisas dos vehículos:**

Todos os vehículos que accedan ao conxunto histórico – zona Intramuros, por calquera das causas previstas nesta Ordenanza, terán que encontrarse identificados mediante o correspondente distintivo, segundo modelo que aprobará este Concello a través desta Ordenanza, e que deberá exhibirse obrigatoriamente no parabrisas dianteiro do vehículo autorizado, de forma visible desde o exterior.



EXCMO. CONCELLO  
DE  
TUI

Os distintivos serán concedidos anualmente por Resolución da Alcaldía, previa solicitude presentada no rexistro de entrada do Concello de Tui á que haberán de acompañarse os documentos que seguidamente se detallan en función do tipo de distintivo na primeira solicitude, existindo as seguintes modalidades:

**A.- Residentes:** Concederanse a aquelas persoas físicas empadroadas na área do Conxunto Histórico-Intramuros, e para todos os vehículos de uso o servizo particular dos que sexan titulares. O distintivo posúe o símbolo “R” sobre cor verde, e permite o acceso á área que nos ocupa polas entradas máis próximas a súa residencia sen ningunha limitación de días ou de horario.

O seu período de validez coincidirá co ano natural, debendo acompañar á primeira solicitude, os seguintes documentos:

- Fotocopia do D.N.I.
- Fotocopia do Permiso de Circulación dos vehículos para os que se solicite tal autorización.
- Volante de empadramento.
- Documentación acreditativa da súa residencia no Conxunto Histórico – Intramuros
- Número de teléfono móbil no caso que opte polo sistema de acceso de chamada telefónica habilitada

**B.- Titulares de establecementos:** Concederanse aos titulares de establecementos abertos ao público na área do Casco Histórico - Intramuros, para un único vehículo. O distintivo terá o símbolo “E”, sobre fondo vermello, e permite o acceso a unha zona próxima ao seu establecemento para realizar pequenas operacións de carga e descarga en horario comercial por un tempo máximo de 30 minutos.

O seu período de vixencia será igualmente o do ano natural, debendo acompañar á primeira solicitude os seguintes documentos:

- Fotocopia do D.N.I. ou N.I.F.
- Fotocopia do Permiso de Circulación do vehículo para o que se solicita.
- Alta no Padrón do Imposto de Actividades Económicas deste municipio
- - Número de teléfono móbil no caso que opte polo sistema de acceso de chamada telefónica habilitada

**C.- Veciños das rúas de estacionamento habilitadas exclusivamente para residentes (zona verde) :** Concederanse a aquelas persoas físicas empadroadas na área do Conxunto Histórico, tanto residentes na zona intramuros como residentes nas rúas afectadas pola zona de estacionamento exclusivo de residentes (zona verde) sinalada no artigo 16.1 desta Ordenanza (rúas Bispo Lago, Ordoñez, Cantón de Diómedes, Praza da Armada Española, Piñeiro e rúa Martínez Padín, entre baixada ao Arrabal e Avda de Portugal).

Esta autorización abrangue aos vehículos de uso o servizo particular dos que sexan titulares. O distintivo posúe o símbolo “RE”, sobre fondo verde, e permite o



EXCMO. CONCELLO  
DE  
TUI

estacionamento nos lugares sinalados de cor verde nas rúas indicadas no anterior parágrafo sen ningunha limitación de días ou de horario.

O seu período de validez coincidirá co ano natural, debendo acompañar á primeira solicitude os seguintes documentos:

- Fotocopia do D.N.I.
- Fotocopia do Permiso de Circulación dos vehículos para os que se solicite tal autorización.
- Volante de empadramento.
- Documentación acreditativa da súa residencia no nas referidas zonas do Conxunto Histórico

**D.- Servizos:** Concédense a institucións e servizos de carácter urxente ou de rigorosa necesidade. O distintivo posúe o símbolo "S", con fondo amarelo, e permite a prestación dun servizo urxente ou a realización dunha actividade imprescindible para a comunidade.

### **CAPITULO III: Supostos especiais.**

#### **Art. 9.- Carga e descarga de subministros:**

Entendida esta como a acción e efecto de trasladar unhas mercancías desde un vehículo comercial a un establecemento ou outro inmobile e viceversa, nesta zona Intramuros levarase a cabo mediante vehículos de mercancía de menos de 8 Tm. de peso máximo autorizado (M.M.A) en horario de 10,00 a 12,00 horas e nos lugares habilitados a tal fin, non podendo realizarse esta tarefas nas rúas e lugares que carezan de espacio destinado ao efecto.

En cuanto aos vehículos cuxo M.M.A. exceda de 8 Tm. terán de solicitar a correspondente autorización especial.

Estas operacións haberán de ser efectuadas con estrita observancia ás seguintes normas:

- a.- O vehículo se estacionará unicamente nos lugares habilitados como carga e descarga, impedindo en todo momento a produción de perturbacións ao resto de usuarios.
- b.- As mercancías se cargarán e descargarán polo lado do vehículo máis próximo ao establecemento ou inmobile de destino.
- c.- A carga e descarga se efectuará co máximo coidado, procurando evitar ruídos e calquera outra molestia aos veciños, aos peóns ou a outros usuarios da vía pública.
- d.- As operacións de carga e descarga se efectuarán coa maior celeridade.

#### **Artigo 10.- Taxis:**

Os vehículos destinados ao servizo de Auto-Taxi poderán acceder ao Conxunto Histórico - Intramuros para realizar a actividade propia do servizo público, estando



EXCMO. CONCELLO  
DE  
TUI

unicamente autorizada a parada polo tempo estritamente necesario para a subida e baixada dos pasaxeiros e as súas mercancías.

### **Artigo 11.- Tratamento dos Establecementos Hoteleiros:**

Por parte do Concello de Tui, poderán ser concedidas autorizacións a aqueles establecementos hoteleiros que así o demanden por motivos debidamente xustificadas de necesidade nos seus servizos, a fin de que, mediante o procedemento oportuno, se facilite o acceso de vehículos aos exclusivos fins de carga e descarga dos usuarios e do seu equipaxe.

### **Artigo 12.- Acceso de persoas maiores:**

No suposto de persoas maiores de 65 anos, que residindo na área afectada por esta Ordenanza, e que por razóns debidamente xustificadas (ancianidade, enfermidade, etc.), precisen acceder á vivenda da súa residencia mediante un vehículo, e non se encontren incluídos en ningún dos supostos anteriormente regulados, previa petición do interesado no que xustifique debidamente tal necesidade, facilitarase, un distintivo específico, que deberá ser exhibido obrigatoriamente no parabrisas dianteiro do vehículo autorizado a tal fin de forma visible desde o exterior, segundo modelo aprobado por este concello. Este distintivo portará as letras "S" sobre fondo amarelo.

Tal distintivo, que será unicamente válido para os lugares sinalados no mesmo, só poderá ser utilizado durante o desempeño da actividade para a que se concede, non superando, en ningún caso, o estacionamento do vehículo autorizado os 15 minutos, debendo en todo momento de cumprir as prescricións do Código de la Circulación e restante normativa aplicable ao efecto.

O seu período de validez será o reflectido no mesmo, e a primeira solicitude haberá de acompañarse dos seguintes documentos:

- Volante de empadramento, e no seu caso de convivencia.
- Informe dos servizos sociais municipais
- Fotocopia do D.N.I. do solicitante.
- Fotocopia do permiso de circulación do vehículo para o que se solicite a autorización.
- Número de teléfono móbil no caso que opte polo sistema de acceso de chamada telefónica habilitada.

### **Artigo 13.- Acceso de Persoas con discapacidade:**

No suposto de persoas discapacitadas, que ben por razón da súa residencia, ben por razón do seu traballo, precisen acceder á vivenda de residencia xa ao seu centro de traballo mediante vehículo e non se encontren incluídos en ningún dos supostos anteriormente regulados, previa petición do interesado na que xustifique debidamente tal necesidade, facilitarase, no seu caso, xunto co correspondente dispositivo magnético de acceso, un distintivo específico, que deberá ser exhibido obrigatoriamente no parabrisas dianteiro do vehículo autorizado a tal fin de forma



EXCMO. CONCELLO  
DE  
TUI

visible desde o exterior, segundo modelo aprobado por este Concello. Este distintivo portará as letras "S" sobre fondo amarelo.

Tal distintivo, será unicamente válido para os lugares de acceso e estacionamento sinalados no mesmo e polo tempo en estea igualmente reflectido, podendo ser unicamente utilizado aos fins para os que se concede, e debendo cumprir en todo momento as prescricións do Código de la Circulación e restante normativa aplicable ao efecto, especialmente que o discapacitado debe ocupar o vehículo autorizado.

O seu período de validez será o recollido no mesmo, e á solicitude haberá de acompañarse os seguintes documentos:

- Volante de empadramento.
- Contrato de traballo no suposto de que os motivos da solicitude sexan laborais.
- Certificado de mobilidade reducida expedido polo órgano competente.
- Dúas fotografías.
- Fotocopia do D.N.I. do solicitante.
- Fotocopia do permiso de circulación do vehículo para o que se solicite a autorización.
- Número de teléfono móbil no caso que opte polo sistema de acceso de chamada telefónica habilitada

#### **Artigo 14.- Permisos especiais:**

Polo que as zonas de exclusión total ao tráfico se refire, enumeradas no art. 2 da presente Ordenanza, se poderá conceder autorización expresa para circular en supostos como:

- Acceso para celebracións relixiosas, tales como vodas, etc..
- Eventos de tipo lúdico, festivo ou cultural, tales como exposicións, feiras, etc.

Nestes casos, a concesión do permiso estará supeditada á correspondente autorización logo de presentar unha solicitude razoada por Rexistro de Entrada. Non se autoriza, agás nos casos recollidos neste artigo e aos peregrinos -que porten a súa correspondente credencial-, a circulación a cabalo polo Conxunto Histórico.

### **CAPITULO IV. Estacionamento**

#### **Artigo 15.- Estacionamento de vehículos**

A tarxeta de autorización de acceso da dereito a entrar na zona de Conxunto Histórico – Intramuros pero non a estacionar o vehículo, durante un tempo superior a 15 minutos, coas seguintes excepcións:

- 1.- Vehículos destinados á atención de emerxencias e durante as mesmas
- 2.- Vehículos das distintas Administracións Públicas destinados á prestación de servizos públicos e empresas privadas dedicadas á prestación de servizos esenciais para a comunidade, namentres dure a situación que haxa provocado a intervención
- 3.- Vehículos dedicados profesionalmente á carga e descarga de mercancías nos horarios establecidos.





EXCMO. CONCELLO  
DE  
TUI

### **Artigo 16. Zonas de estacionamento.**

Establécense as seguintes áreas de estacionamento:

1.- Para facilitar o estacionamento habilitaranse áreas de estacionamento nas seguintes rúas como zonas de estacionamento exclusivo de residentes (zona verde):

- Praza da Armada
- Piñeiro
- Bispo Lago
- Rúa Órdoñez (dende o Cantón de Diómedes ata a confluencia co Paseo Calvo Sotelo)
- Cantón de Diomedes
- Martínez Padín (dende intersección co Arrabal ata Avda de Portugal)
- Paseo Fluvial

2.- Nas seguintes rúas seguirá en aplicación a ORA

- Paseo de Calvo Sotelo
- Rúa Rosa Bahamonde
- Rúa Foxo
- Rúa Travesía do Foxo
- Rúa Augusto G. Besada

Dadas as peculiares características da rúa Tyde e a rúa Antero Rubín (entre a Praza da Armada e a rúa Baixada ao Embarcadoiro) para lograr o cumprimento dos obxectivos desta ordenanza que prima aos peóns sobre os vehículo se establece a prohibición de estacionamento nesta rúa.

### **Artigo 17.- Uso de medios para o control do tempo de estacionamento**

O Concello de Tui reservase o dereito de aplicar sistemas para o control da estadia dos vehículos mediante pegatinas identificativas, tickets de estacionamento limitado ou calquera outro sistema que resulte adecuado á finalidade perseguida e o interese público.

## **CAPITULO V: Réxime sancionador:**

### **Artigo 18.- Infraccións:**

As accións ou omisións que contraveñan a presente Ordenanza, constitúen infraccións administrativas, e serán sancionadas con arranxo ao disposto na Lei sobre Tráfico, Circulación de Vehículos a Motor e Seguridade Viaria e restante normativa de particular aplicación, sen prexuízo do establecido no presente capítulo.

### **Artigo 19.- Clasificación das infraccións:**

As infraccións ás que se refire o artigo anterior, clasifícanse en moi graves, graves e leves.

1.- Terán a consideración de leves, as seguintes:

a.- Acceso á área obxecto da presente Ordenanza por lugar distinto ao autorizado.



EXCMO. CONCELLO  
DE  
TUI

- b.- Uso inapropiado do dispositivo inarámico.
- c.- Non devolución do dispositivo inarámico no suposto de modificación das condicións nas que foi concedida.
- d.- Uso inapropiado do distintivo, permiso ou autorización concedido e obxecto de regulación pola presente Ordenanza.
- e.- Acceso á área obxecto de regulación con distintivo, permiso ou autorización caducada.
- f.- Non exhibir o distintivo, permiso ou autorización concedida ao efecto, de forma visible no vehículo para o que se concede.
- g.- Realización das tarefas de carga e descarga ao marxe das condicións sinaladas pola presente Ordenanza.

2.- Terán a consideración de graves, as seguintes:

- a.- O acceso á área afectada valéndose de dispositivo inarámico distinto ao autorizado.
- b.- Alteración ou manipulación dos distintivos tipos de distintivos, permisos ou autorizacións concedidos e regulados na presente Ordenanza.
- c.- Utilización indebida de calquera tipo de distintivo, permiso ou autorización concedido e regulado na presente Ordenanza.
- d.- Utilización do distintivo, permiso ou autorización dos regulados na presente Ordenanza, por persoa ou vehículo distinto ao autorizado e como tal reflectido no mesmo.
- e.- Cesión de distintivo, permiso ou autorización dos regulados na presente Ordenanza a persoa distinta á autorizada e como tal reflectida na mesma.
- f.- A utilización dolosa ou negligente de distintivo, permiso ou autorización dos regulados na presente Ordenanza para fins distintos aos autorizados.
- g.- Ser sancionado pola comisión de dúas ou máis faltas das cualificadas como leves.

3.- Terán a consideración de moi graves as seguintes:

- a.- A falsificación dos distintos tipos de distintivos, permisos ou autorizacións regulados na presente Ordenanza.
- b.- A alteración ou manipulación dos documentos requiridos para a concesión dos distintos tipos de distintivos, permisos ou autorizacións regulados na presente Ordenanza sen cuxo concurso non se concedería tal autorización.
- c.- Ser sancionado pola comisión de dúas ou máis faltas das cualificadas como graves.

#### **Artigo 20.- Sancións:**

As infraccións leves serán sancionadas con multa de ata 750 Euros, as graves con multa de 751 Euros a 1.500 Euros, e as moi graves de 1.501 Euros a 3.000 Euros.

Con independencia das sancións pecuniarias anteriormente sinaladas, a comisión das condutas cualificadas como de infracción polo artigo anterior, poderá ser sancionada coa retirada do distintivo, permiso ou autorización ao efecto concedido, por un período de ata seis meses no suposto de infraccións leves e de ata un ano no



EXCMO. CONCELLO  
DE  
TUI

suposto das cualificadas como graves e moi graves, chegando a ser esta retirada definitiva no caso de falsificación do citado permiso, distintivo ou autorización concedido, ou reiteración nas condutas descritas.

**Artigo 21.- Persoas responsables:**

A responsabilidade das infraccións ao disposto na presente Ordenanza, recaerá directamente no autor ou autores da acción ou omisión en que consista a infracción, mesmo cando se cometeu a título de simple inobservancia. Así mesmo será responsable, e en consecuencia obxecto de sanción, o titular do distintivo ou autorización concedida, polo uso indebido do mesmo que un terceiro puidese realizar.

Cando o cumprimento dos deberes e obrigacións previstos nesta norma incumba conxuntamente a varias persoas, estas responderán solidariamente das infraccións que se cometan e as sancións que no seu caso se impoñan.

ANEXO 1: Plano de accesos, estacionamento e direccións

ANEXO 2: Modelos de distintivos.